

名宦一

江甯古丹陽郡地自移治建業以來歷東晉六朝南宋以迄前明  
屢爲都會守斯土者簿領尤繁自守令至丞倅治績炳著者代不  
乏人德澤在當時崇祀及後世尙已卽祀事未及而甘棠繫思耶  
麻誌頌均應表章以勸來者今采輯各史并南畿諸志參以去思  
公論編錄於篇作名宦志

漢李忠字仲都東萊黃縣人建武六年爲丹陽太守是時海內新  
定海濱江淮多擁兵據土忠到郡招懷降附旬月皆平忠以丹陽  
越俗不好學嫁娶禮儀衰於中國乃爲起學校習禮容春秋鄉飲  
選用明經郡中向慕之墾田增多三歲流民占著者五萬餘口三  
公奏課爲天下第一後漢書有傳

晉溫嶠字太真祁縣人丹陽尹晉書有傳

褚裒字謀遠陽翟人蘇峻之亂京邑焚蕩人物凋殘乃以裒爲丹陽尹裒收集散亡甚有惠政晉書有傳

劉惔字眞長相縣人永和中丹陽尹爲政清整門無雜賓時百姓頗有訟官長者惔歎曰居下訕上此弊道也古之善政司契而已君雖不君下安可以失禮若此風不革百姓將往而不反悉寢不問疾篤百姓爲之祈禱晉書有傳

庾敳字道季鄆陵人亮之子升平中代孔嚴爲丹陽尹表除重役六十餘事民賴之晉書有傳

羊曼字祖延南城人少知名蘇峻作亂加前將軍丹楊尹率文武守雲龍門王師不辰或勸曼壁後曼曰明王彼收吾安所求上勸

宋璽穆之字道和昌縣人領棠邑太守義熙八年加丹楊尹南史有傳

謝方明陽夏人宋永初中尹丹楊善治郡有能名南史有傳

蕭摹之南蘭陵人宋元嘉時爲丹楊尹上言佛入中國已歷四代形像塔寺所在千數材竹銅綵糜損無極無關神祇有累人事請自今欲鑄銅像及造塔寺皆得列言須報乃得爲之文帝從其請南史有傳

何尚之字彥德潯人宋元嘉中爲丹陽尹立宅南郭外置學聚生徒東海徐秀等並慕道來遊謂之南學南史有傳

羊元保泰山南城人宋元嘉中歷任丹楊丞轉尹廉靜寡欲頻授名郡爲政雖無殊績而去後常必見思南史有傳

劉秀之字道寶莒人宋元嘉中兩任建康令政績有聲大明二年

遷丹楊尹時宮禁帑百姓物不時給值秀之以爲非宜陳之甚切  
南史有傳

袁粲初名愍孫陳郡陽夏人宋明帝時領丹楊尹南史有傳

齊劉懷慰字彥泰平原人齊高帝時以懷慰爲齊郡太守至郡修  
治城郭安集居民墾廢田二百頃決沈湖灌漑不受禮謁民有餉  
新米一斛者懷慰出所食麥飯示之曰食有餘幸不煩此因著廉  
吏論以達其意南史有傳

梁王志天監初爲丹楊尹政務清靜有寡婦無子姑亡舉債以殮  
葬旣而無以還之志愍其意以俸錢償焉年饑每旦爲粥於郡門  
以給百姓眾悉稱惠南史有傳

王仲臨沂人丹陽尹習於法令政號平理南史有傳

陳袁樞字踐言陳郡陽夏人天嘉中領丹楊尹謹慎周密清白自居文武職司鮮有游其門者南史有傳

徐陵郟縣人仕陳爲安右將軍丹楊尹性清簡祿俸與親族共之家至乏絕南史有傳

唐盧祖尚光宗樂安人武德中歷蔣州刺史有能名唐書有傳

顏真卿字清臣琅邪臨沂人肅宗時拜昇州刺史清嚴正直風采凜然人不敢干以私唐書有傳

按顏魯公平生屢至江甯然皆爲時不久至德元年去平原太守至廣陵丹陽等郡募兵不得此一至也乾元二年由饒州刺史六月遷昇州刺史充浙西節度使是再至也次年爲上元元年以豫飭戰備待劉展李峘以爲生事非短之召爲刑部侍郎及代宗大厯六年自撫州秩滿代到至上元居與蔡明遠叙所云緣事受替

重刊江寧府志 卷之二十五  
歸止金陵也七年入都除湖州刺史是三至也合計居此日月不及三年

宋楊克讓字慶孫同州馬翊人開寶八年平江南命知昇州每視事自旦至暮決斷如流無有凝滯當官以清幹稱宋史有傳

賈黃中滄州南皮人太平興國二年知昇州爲政簡易部內甚治一日案行府署見一室局鑰甚固啟視之得金寶數十匱直數百萬乃李氏宮閣中遺物也卽表上之太宗謂侍臣曰非黃中廉恪則亾國之寶將枉法而害人矣賜錢三十萬宋史有傳

馬亮字叔明合肥人景德初自潭州徙知昇州屬歲旱民饑湖湘漕米數十舟適至亮移文守將發以賑民因奏瀕江諸郡皆大歉而吏不之救願罷官糴令民轉粟相賑凡四守是郡敏於政事務

張詠字復之濮州鄄城人有治才真宗朝以禮部侍郎知昇州  
方自任爲治尙嚴宋史有傳

薛映字景陽蜀人以樞密直學士知昇州建言州以牛賦民出租  
牛死租不得蠲真宗豐然曰朝廷豈知此邪因令諸州條奏悉蠲  
之宋史有傳

丁謂天禧中知昇州言城北有後湖疏爲城陂以畜水使負郭無  
旱歲廣植蒲芡養魚鼈縱貧民漁採從之宋史有傳

薛顏字彥回河中萬泉人知江甯府邏者晝劫人反執平人以告  
顏視其色動曰若真盜也械之果引伏宋史有傳

王隨字子正河南人天聖初知江甯府歲大饑轉運使移府發常  
平倉米計口日給隨不聽曰民饑由兼并閉糴以邀高價耳乃大  
出官粟私價遂平宋史有傳

李若谷字子淵徐州豐人知江甯府卒挽舟過境其寒瘠甚者留  
養視之須春溫遣去民句於道者以分隸諸僧寺助給春爨其治  
民多智慮愷悌愛人去後益見思宋史有傳

張奎字仲野臨濮人慶厯八年江甯府治火諫官言金陵始封之  
地守臣視火不謹宜擇才臣繕治之遷右諫議大夫知府事簡材  
料工一循舊制不踰時復完奎風力精強所至有治績吏不敢欺  
宋史有傳

張方平字安道南京人皇祐初知江甯府當官亮直未嘗以言徇  
物以色列人宋史有傳

李宥字仲嚴青州人知江甯府民有告人殺其子者曰吾子去家  
時巾若巾今巾是矣人自誣服宥疑召問卒申其枉宋史有傳

十萬斛以貸饑民宋史有傳

包拯字希仁合肥人嘉祐初知江甯府性峭直惡吏苛刻務敦厚雖甚嫉惡而未嘗不推以忠恕宋史有傳

王琪字君玉成都華陽人嘉祐間知江甯府先是府多火災或託以鬼神人不敢救琪召令廂邏具爲作賞捕法未幾得姦人誅之火患遂息宋史有傳

梅摯字公儀成都新繁人初令上元嘉祐三年知江甯府性淳靜不爲矯厲之行政迹如其爲人宋史有傳

馮京字當世鄂州江夏人嘉祐五年知江甯府事至卽據案推究不以付獄一無壅滯人服其敏宋史有傳

呂溱字濟叔揚州人治平閒知江甯府精識過人辯訟立斷豪右斂迹一時名輩皆推許云宋史有傳

重刊江甯府志 卷之二十五  
傳堯俞字欽之須城人熙甯中知諫院遇事輒言五年改知江甯人以爲法令未安者必多更改堯俞到郡一遵條約曰君子素其位而行諫官有言責郡知守法而已司馬光以清直勇稱之宋史有傳

陸佃字農師山陰人元祐七年知江甯府人有盜嫂害其兄者別誣三人同謀皆抵罪一囚父稱冤通判以下皆曰獄已成不可變佃爲閱實三人皆得生宋史有傳

曾肇字子開南豐人元祐閒知江甯府天資仁厚多善政宋史有傳

蔣靜字叔明常州宜興人崇甯五年知江甯府抗直不畏強禦茅山道士劉混康以技進賜號先生其徒倚爲姦利詞訟至府吏觀

沈錫字子昭眞州揚子人大觀三年以徽猷閣待制知江甯府張懷素誅朝廷疑其黨有脫者由是怨家多誣告郡獄爲滿錫至案其妄者罪之具疏於朝他郡繫者皆得釋宋史有傳

李彌遜字似之蘇州吳人靖康二年建康府牙校周德叛勢猖獗彌遜以江東運判領郡事單騎叩賊圍諭以禍福勉使勤王誅首惡五十人撫其餘黨一郡帖然宋史有傳

呂頤浩字元直齊州人以江東安撫制置使兼知建康府事當國步艱難人倚之爲重宋史有傳

權邦彥建炎中知建康府劇盜張琪殘虐徽州邦彥遣裨將討平之爲政以治辦稱宋史有傳

葉夢得字少蘊吳縣人紹興初爲江東安撫大使兼知建康府時建康荒殘兵不滿三千夢得奏防江措畫八事咸合機宜宋史有

重刊江甯府志 卷之二十五  
傳

趙鼎字元鎮解州聞喜人紹興二年知建康府軍民相安商旅通行高宗常謂王庶曰鼎鎮撫建康回鑾無患他人所不及也宋史有傳

張燾字子公德興人知建康府建康積歲負內庫錢帛鉅萬悉爲奏免致仕復知建康金人窺江南民驚徙過半聞燾至人情稍安宋史有傳

張浚字德遠漢州綿竹人紹興三十一年春金騎充斥命浚判建康府兼行宮留守高宗臨幸浚迎拜道左風采隱然軍民皆倚以爲重高宗將還臨安勞浚曰卿在此朕無北顧憂矣宋史有傳

陳俊卿字應求興化人孝宗朝充江淮宣府判官兼權建康府事

夜竟窮部多無名之賦爲一一奏罷之宋史有傳

洪遵字景嚴鄱陽人乾道七年以端明殿學士權知建康府歲民苗米正額外不輸耗聽民自持斛槩庾人不能輕重其手民咸感之宋史有傳

李植泗州臨淮人乾道初知建康府兼本路安撫使上書極言防江十策皆直指事宜不涉浮泛孝宗奇之宋史有傳

劉琪字其父崇安人淳熙二年知建康府會歲祲首奏蠲夏稅糧六十萬緡秋苗米十六萬六千斛又運米邨落平價賑糶起是年九月盡明年四月闔境數十萬人無一捐瘠流徙者宋史有傳

張杓綿竹人累知建康府吏材敏給遇事不凝滯多隨宜變通以治稱宋史有傳

徐誼温州人知建康府兼江淮制置使時金人攻廬楚不下淮人流江南在建康者以數十萬計誼晝夜撫循悉力備禦地方賴之

宋史有傳

葉適字正則温州永嘉人開禧閒知建康府時金人大入羽檄旁午適治事如平時軍需皆從官給民以不擾宋史有傳

黃度字文叔紹興新昌人嘉定初知建康府兼江淮制置使至金陵罷科糴輸送之擾活饑民百萬口除見稅二十餘萬擊降盜卞整斬盜胡海首以獻招歸業者九萬家宋史有傳

趙善湘字清臣濮王五世孫寶慶初以沿海制置使兼知建康府剗防江軍臨淮軍及平叛寇皆有功宋史有傳

吳淵字道甫江東安撫使兼知建康府興利除害究心軍民列上二十五事詔下奇之弟潛繼知建康府論保蜀之方護襄之策防江之算備海之宜甚有條理宋史有傳

董槐定遠人淳祐閒知建康府時軍政弛弗治乃爲賞三等以教

射歲餘盡爲精兵宋史有傳

馬光祖字華父婺州金華人寶祐三年以寶章閣直學士知建康府凡三至建康終始一紀威惠並行百廢修舉宋史有傳

姚希得字逢原潼川人開慶中知建康府按行江上慰勞士卒眾皆歡說溧陽饑發廩賑濟全活者眾勅甯江軍列砦置屋二萬餘間屯戍七千餘人理宗聞之降詔獎諭宋史有傳

胡旦字周父濱州渤海人爲昇州通判時江南初平汰李氏時所度僧十減六七旦曰彼無田廬可歸將聚而爲盜悉黥爲兵遷左拾遺宋史有傳

蘇易簡太平興國中通判昇州清約如寒素太宗召爲知制誥曰聞卿舟惟載怪石瘤木器可見清節宋史有傳

呂蒙正字聖功河南人太平興國二年通判昇州陞辭有旨民事

不便者許騎置以聞宋史有傳

段少連字希逸開封人天聖中張士遜守江甯辟通判府事通敏有才事無大小決遣如流不爲權勢所屈宋史有傳

滕宗諒字子京河南人通判江甯府尙氣節倜儻自任家無餘財所蒞州喜建學學者傾江淮聞宋史有傳

沈邁字文通錢塘人通判江甯府邁以文學致身而長於治才歸奏本治論仁宗曰近獻文者率以詩賦豈若此十篇之書爲可用也除集賢校理宋史有傳

楊邦乂字晞稷吉州吉水人舉政和中進士值時多艱每言及國事詞旨慨慷以節義自許調建康府教授復以勞授通判建康府事建炎三年金人至江上不屈死宋史有傳

元絳字厚之錢塘人明道初調江甯府推官時江淮旱災官發糴

米爲糜以哺流民絳躬自給視餓病者數萬皆得以濟攝上元令  
民有號王豹子者豪占人田略男女爲僕妾有欲告者則殺以滅  
口絳捕寘於法有妻告夫爲人所殺訊之實不殺絳救其妻曰歸  
治而夫喪陰使信謹吏迹其後望一僧迎笑切切私語絳命取僧  
繫廡下詰妻姦狀卽吐實人問其故絳曰吾見妻哭不哀且與傷  
者其席而襦無血污是以知之安撫使范仲淹表其材宋史有傳  
楊告綿竹人通判江甯州盜殺商人鑿舟沈屍江中有被誣告者  
答服獄具告疑其無狀後數日果得眞盜

李及字幼幾范陽人調昇州觀察推官資質清介所治簡嚴喜慰  
薦下吏而樂道人之善宋史有傳

元岳天禎冠氏人大德十年爲建康路總管值歲饑官廩中無儲  
粟乃諭富戶出鈔二萬錠賑濟饑民賴以全活者甚眾時米價騰